



Bosnia and Herzegovina
Federation of Bosnia and Herzegovina

CANTON SARAJEVO
Srebrenica Support Office

Broj: 19-11-53242/25
Sarajevo, 12.11.2025. godine

Na osnovu člana 13., a u vezi sa članom 4., 9. i 10. Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima Zaštićene zone UN "Srebrenica" ("Službene novine Kantona Sarajevo", broj 18/22), člana 14. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21 i i 13/22, 21/24 i 10/25) i Odluke Vlade Kantona Sarajevo o usvajanju Plana i programa podrške žrtvama i porodicama žrtava genocida nad Bošnjacima zaštićene zone UN "Srebrenica" za 2025. godinu broj: 02-04-51765-6/25, Ured Vlade Kantona Sarajevo za podršku Srebrenici o b j a v l j u j e

JAVNI POZIV

za podršku održivog povratka roditeljima, djeci, učenicima i studentima na području jedinice lokalne samouprave Srebrenica

I PREDMET JAVNOG POZIVA

- (1) Podrška roditeljima, djeci, učenicima i studentima na području jedinice lokalne samouprave Srebrenica u skladu sa odredbama Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" ("Službene novine Kantona Sarajevo", broj 18/22) i to u vidu jednokratne pomoći za rođenje djeteta, roditelje sa djecom predškolskog uzrasta, učenike osnovnih i srednjih škola, studente i roditelje sa troje i više djece.
- (2) Sredstva za realizaciju finansijskih sredstava po osnovu Javnog poziva osigurana su u Budžetu Kantona Sarajevo za 2025. godinu, na razdjelu-Ureda Vlade Kantona Sarajevo za podršku Srebrenici (u daljem tekstu: Ured) u ukupnom iznosu od 1.000 00,00 KM.
- (3) Iznos sredstava po jednom osnovu je sljedeći:
- a) za rođenje djeteta - 1.000,00 KM,
 - b) za roditelje sa djecom predškolskog uzrasta - 300,00 KM,
 - c) za roditelje sa troje i više djece - 1.000,00 KM,
 - d) za učenike osnovnih škola - 400,00 KM,
 - e) za učenike srednjih škola - 700,00 KM i
 - f) za studente - 1.000,00 KM.
- (4) Za jednokratnu pomoć po tačkama a)-e) prijavljuje se jedan od roditelja, staratelja ili zakonskih skrbnika.
- (5) Pravo na jednokratnu pomoć po ovom javnom pozivu može se ostvariti samo po jednom osnovu.
- (6) Ovisno o broju prijavljenih koji ispunjavanju uslove, iznos sredstava po jednom korisniku može biti prilagođen radi realizacije planiranih sredstava.

II PRAVO PRIJAVE

Pravo prijave na javni poziv imaju fizička lica (roditelji, učenici i studenti) koja imaju prijavljeno prebivalište na području opštine Srebrenica, a u skladu sa odredbama Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" ("Službene novine Kantona Sarajevo", broj 18/22).

III KRITERIJI ZA DODJELU SREDSTAVA

1. Opći kriteriji

Lice koje se prijavljuje na javni poziv dostavlja sljedeću dokumentaciju:

- a) popunjen i potpisan obrazac prijave sa popisom priloga;
- b) važeća prijava o prebivalištu na području opštine Srebrenica (original, ne starija od tri mjeseca);
- d) potvrda banke iz koje se vidi broj transakcijskog računa;
- e) izjava kojom se daje saglasnost da Ured i Komisija za izbor mogu obrađivati dokumente kojima se dokazuje lični identitet shodno odredbama Zakona o zaštiti ličnih podataka (potpisana i ovjerena od strane nadležnog organa),
- f) kućna lista ovjerena kod nadležnog organa.

2. Posebni kriteriji

- a) Lica koja se prijavljuju za jednokratnu pomoć podrške za rođenje djeteta - izvod iz matične knjige rođenih za dijete. Podrška po ovom osnovu pripada roditeljima sa djecom koja su rođena u periodu od 01.01.2024. godine do dana objave javnog poziva.
- b) Lica koja se prijavljuju za jednokratnu pomoć podrške za roditelje sa djecom predškolskog uzrasta - izvod iz matične knjige rođenih za dijete. Podrška po ovom osnovu pripada roditeljima sa djecom uzrasta od dvije do šest godina.
- c) Lica koja se prijavljuju za jednokratnu pomoć podrške za roditelje sa troje i više djece - izvod iz matične knjige rođenih za djecu. Podrška po ovom osnovu pripada roditeljima sa troje ili više maloljetne djece.
- d) Lica koja se prijavljuju za jednokratnu pomoć podrške za učenike osnovnih škola - izvod iz matične knjige rođenih za dijete i potvrda osnovne škole (o statusu školovanja/redovnom školovanju).
- e) Lica koja se prijavljuju za jednokratnu pomoć podrške za učenike srednjih škola - izvod iz matične knjige rođenih za dijete i potvrda srednje škole (o statusu školovanja/redovnom školovanju).
- f) Lica koja se prijavljuju za jednokratnu pomoć podrške za studente - izvod iz matične knjige rođenih i potvrda fakulteta da je lice upisano kao redovni ili redovni samofinansirajući student.

IV ROK I NAČIN DOSTAVLJANJA PRIJAVE NA JAVNI POZIV

- 1. Krajnji rok za podnošenje prijave je **15 (petnaest) dana** od dana objavljivanja Javnog poziva u dnevnim novinama "Oslobođenje" i na web stranici Vlade Kantona Sarajevo: <https://vlada.ks.gov.ba/aktuelnosti/konkursi>.
- 2. Uputstvo za podnosioc prijave na ovaj javni poziv bit će dostupan na web stranici Vlade Kantona Sarajevo: <https://vlada.ks.gov.ba/aktuelnosti/konkursi>.
- 3. Prijava sa odgovarajućom dokumentacijom podnosi se u zatvorenoj koverti na čijoj poledini se obavezno navodi ime i prezime podnosioca prijave, a može se predati lično na protokol Kantona Sarajevo ili poslati preporučeno poštom na adresu:

KANTON SARAJEVO
URED VLADE KANTONA SARAJEVO ZA PODRŠKU SREBRENICI
Ulica Reisa Džemaludina Čauševića broj 1
71 000 Sarajevo
JAVNI POZIV
sa naznakom:

"Prijava na Javni poziv za podršku održivog povratka roditeljima, djeci, učenicima i studentima na području jedinice lokalne samouprave Srebrenica (ne otvaraj - otvara Komisija)



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 564-403 Fax: + 387 (0) 33 564-404
Web: <http://vlada.ks.gov.ba>
E-mail: podrska.srebrenica@vlada.ks.gov.ba

IV OPŠTE ODREDBE

1. Premijer Kantona Sarajevo imenovat će komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo predsjednik, članovi komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, šef Ureda će, ukoliko smatra osnovanim i uputnim, i iz drugih razloga koji za posljedicu mogu imati pristrasno odlučivanje i razmatranje pristiglih prijava, predložiti premijeru isključenje predsjednika, člana, odnosno sekretara komisije za kojeg utvrdi da postoji sukob interesa.
2. Komisija će otvoriti prijave i utvrditi ispunjavanje formalnih uslova (blagovremenost, urednost i potpunost).
3. Podršku će dobiti svako lice koje je dostavilo blagovremenu, potpunu i urednu prijavu a koje ispunjava opšte i posebne kriterije za dodjelu sredstava po javnom pozivu.
4. Ured će obavijestiti pismeno podnosiocima čije prijave nisu prihvaćene u roku od 8 (osam) dana od dana objavljivanja rezultata. Podnosioci prijave imaju pravo na izjavljivanje prigovora posebnoj komisiji za žalbe koju imenuje Vlada, u roku od 7 (sedam) dana od dana dostavljanja pismene obavijesti, nakon čega se donosi konačna odluka. Prigovor se ne može izjaviti ukoliko dostavljena dokumentacija na javni poziv nije potpuna.
5. Neblagovremene, nepotpune i neuredne prijave neće biti predmet razmatranja.

Za sve dodatne informacije možete se obratiti Uredu Vlade Kantona Sarajevo za podršku Srebrenici na tel. 033/564 403 ili na tel. 033/562 038 ili na email podrska.srebrenica@vlada.ks.gov.ba.



ŠEF UREDA

Mirza Ibrahimović

